



26. okt. 2020

Inatsisartut suleriaasianni § 37 imm.1 naapertorlugu Naalakkersuisunut ima apeqqtissaqarpunga:

Naalakkersuisunut apeqqtigisat:

- 1. Kikkulluunniit nalunngilaat, iliuusissanut tunngavigisassat malinneqarnissaat qanoq pingaaruteqartigisoq. Naalakkersuisut paasissutissiissutigisinnaanerlugu, Peqqissutsimut Pitsaaliuinernullu Aqutsisoqarfiup suna tunngavigalugu Nuummi illut/inissiat uku attartornissamut isumaqatigiissuteqarsimansoq?**
- 2. Naalakkersuisut piunaffigineqarput, illuni taakkunani attartornermi akisunerpaaq akikinnerpaarlu aamma kvadratmeterimut ukiumut agguaqatigiissillugu qanoq akeqarnersoq paasissutissiissutigissagaat.**
- 3. Naalakkersuisut piunaffigineqarput, inimik attartornermi isumaqatigiissutini taakkunani taamaatinneqariaannaangitsoq sivikinnerpaaq sivisunerpaarlu paasissutissiissutigineqassasut.**
- 4. Naalakkersuisut piunaffigineqarput paasissutissiissutigineqassasoq, inissiat taakku utaqqiisaasumik inissiatut allatulluunniit inissiisarfiugallartutut aamma/imaluunniit sulisunut inissiatut atornerqarpat?**
- 5. Sisamaattut apeqqummut uiggiullugu Naalakkersuisut piunaffigineqarput, utaqqiisaasumik inissiat, inissiisarfiugallartut sulisunut inissiat attartorneqaraangata qaammammut kvadratmeterimut akia paasissutissiissutigineqassasoq.**
- 6. Peqqissutsimut Naalakkersuisoqarfiup inissiat pillugit kaajallaasitaani nr. 16, 13. april 2018-imeersumi peqqissaavimmi sulisut utaqqiisaasumik inissaqartinneqartarnerat il.il. tunngatillugu Naalakkersuisut piunaffigineqarput, paasissutissiissutigeqqullugu kaajallaasitaq 16 Illuutini najugaqarfissatut attartortitsisarneq pillugu Namminersornerullutik Oqartussat nalunaarutaat nr. 12, 23. april 2008-imeersumut qanoq illilluni naapertuunnersoq, innersuussutigalugit Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq § 4 imm. 3 aamma 4 Inatsisartut peqqussutaat nr. 14, 20. november 2006-imeersukkut allanngortinneqartoq.**
- 7. Naalakkersuisut pilersaaruteqarnerlutik, niuertut ikittunnguit iluatatsinneqartarnerat ingerlatiinnarneqassanersoq imaluunniit Naalakkersuisut Nuummi peqqissaavimmiunut inissiatut inissiigallartarfittullu atugassanik sanaartorniarpasut?**

(Inatsisartuni ilaasorta, Aqqaluaq B. Egede, Inuit Ataqtigiit)

Tunngavilersuut:

Tusagassiutigut atuarneqarsinnaavoq, Peqqissutsimut Pitsaaliuinemullu Aqutsisoqarfimmi chefi niuertumik arlalinnik illuutilimmit katissimallugu aappaqartoq, taassumalu illuutini arlalissuit peqqissaavimmut attartortittarpai ukiumut arlalissuarnik mio. koruuninik akiliisillugit.

Tamanna suliffiup iluani misissuisimanermit erserpoq, suliamullu tunngatillugu sukumiisumik misissuisitsineq naalackersuisoqarfimmi pisortamit kukkuneruisartunut EY Grønlandimut suliakkiissutigineqarsimavoq. Misissuinerlu naammassimmat inerniliunneqarluni "aqutsisoqarfiup pisortaata attuumassuteqarluni akuerisassanik aalajangiisarsimaneranik takussutissarsinngilagut".

Apeqqutigatigut ullut malittut suliffiusullu qulit qaangiutsinnagit akineqarnissara kissaatigaara.